



14211

吾學編序



長樂縣
振鐸西
精卷七

自昔人第立言與立德立功爲三不
朽於是誦法孔子者知所以修詞矣
然言不足以明性道紀典故兀兀窮
年取楚騷漢文唐律而模擬之求工
於一字一句以炫人而無補於世用
少知懲其弊者又竊佛經上乘之旨
以附濂洛主靜工夫而千言萬語終

虧實踐將孔子所以刪述六經爲萬世標的者固如是耶予學術寡陋濫通朝籍伏念生逢

聖世當究心

昭代典故前修得失庶取則不遠聞太子少保澹泉鄭端簡公崛起鹽官以博洽伏宇內心切識之及徵天幸與公同在銓司每政暇彼此輒以所

撰述相質見公所編吾學總目叙自戊申年

太祖混一區夏握符御極改元洪武歷永樂洪熙宣德正統景泰天順成化弘治正德凡關係大政者倣朱子綱目以歲係月各爲一記建文四年雖革除殘缺亦搜集遺文拆爲遜國記至於同姓諸王分封列藩及開國

靖難禦胡勦寇并戚畹佞幸列爵三等者各爲表傳別功罪爲萬世勸懲又表內閣以崇政本表太宰以重銓衡紀文武名臣以垂景範紀遜國諸臣以獎忠義述天文地理以嚴修省辨經畧述三禮百官以秩祀典別職掌考四夷北虜以通正朔飭邊備俱原本始核事情於予心若相契者時

全書未成期日後彼此攷訂以竟初志及公任大司寇南歸予猶久掌邦土無緣質公於鹽官故里廼公忽先予逝囑予履淳履準履洵以成書付梓求序於予予嘗閱南史稱顧野王撰國史記傳及輿地志而江南典章文物賴之以存公潛心世故殫平生精力使

昭代二百年行事實跡萃於一旦足以龜鏡後來不徒備江南一方文獻而已矧提身澡行不愧屋漏而保釐江淮掃定倭寇與夫天曹之秉公京營之祛弊刑部之敬慎俱焯然爲朝紳所景仰較之襲縟辭侈清談於理道無補者何啻徑庭也予慶公素履定蓋棺已列不朽之林因序於編端

不知踈陋所撰亦能補公於萬一矣乎

隆慶元年季春吉日

賜進士第光祿大夫柱國少傅兼太子太傅工部尚書前都察院右都御史豐城雷禮序

序畧

古之作者必雄傑不羈之才育中本有全書而弗得試乃著述以自見丘明司馬皆才兼文武人傑也彼其所蘊如日月有明雲寧終揜江河有性土可終漚不宜於此則呈於彼不霖雨乎當時即山斗乎來世天之所賦非偶然豈但戎馬耳已先若幼學即志四方無書不讀所讀必可裨用少壯入仕益詣我典常質彼文憲耳目見聞咸類紀之博古則約其精徵今則核其備人文淵數國是著龜麗埒班揚思凌屈賈叩之驚其多聞何便便有條也稿未竟嘉靖丙辰太宰古冲李公爲趙計奏論死翁震懼曰古以言殺身况成書乎悉畧火狐固請秘之弗得遂竊小櫝藏之述古獨餘古言蓋千百之一今書存失相等逮歲壬戌狐請告歸始以殘帙白翁成志喟然嘆曰嗟夫此稿尚有存

乎予行藏勲業盡於此而所存僅此乎遂畧以今書倫次補輯
弟準天資絕人先君口相證授準多代筆又三年始付梓梓方
半翁遽長逝嗚呼痛何如哉胡天不使此書盡試諸用又不使
一覽全刻而徒留此空言欲以何明也翁蘊全才而不大任亦
云爲兆震厲睽孤憂國衛身艱險歷備劬節雖完精力竭矣玄
珠寂寞白壁幽淪光在山川天真寧過是廼旁觀宇內違駕初
服惜繁華之易零念弘圖於不朽盤桓憤激委約飛文竊職掌
於史官謹權衡於獨斷危詞隱義遠畧壯猷觀是書可知是人
契是心殆有周駕八荒彌綸千古之致豈徒一世士區區文藝
名也噫邈此生民以來凡彼玉質金相英髦秀達道亞生知時
不我與湮滅無聞安可勝悼夫太上以德鮮矣流形大塊而一
無可傳非夫也可傳在我而其存與熄則命也黃梁得耆青史

是非聖人復起賢愚有定豈其幸與不幸果可誰欺與故曰其
位可卑其身可死其言立遂與天地相終始貧富貴賤壽夭同
之然蔡柳竒葩名常爽實機雲高舉知不逮言亦或文以人傳
人由文顯兼茲無愧允爾才難若先君所不能全殆惟壽耳使
無是書果將同凋草木矣乎抑嘗聞作易之有憂患王通以爲
畏天憫人思及時而動深知易矣動而不時則冒昧於行露比
而人於蹇時而弗動則泥類於匏瓜節而至於屯潛躍有具用
舍惟時庶亡悔吝而周公孔子之教此其最要先君率爾成書
豈希贊易之心乎終焉憂患未釋而腹書以沒丘園信乎命實
爲之雖聖哲無如之何宜昔人之染翰慷慨屢伸而不能已者
也去我英雄遺編故屋承顏寤寐猶恍傳心音容杳冥誰能不
隱雖違伯樂會有子期撫卷徘徊風雲蕭瑟向之七畧成於歆

先君精忠邃學無愧於向惜子非劉歆殘缺莫補條具如左參
詳潤色尚俟後之君子云

維皇開泰新制正經親賢和衆萬國以寧聖子神孫與治同興
昭哉祖武萬世允繩作大政記第一

江左肇基據國上游龍飛北固鶴返丹丘漢文天授少帝何尤
慨彼黍離爰諱乾侯作遜國記第二

堯稱既睦周作方來富之不費貴之無猜勢以時異恩以禮裁
均奠磐石藩翰九域作同姓諸王表第三

永清九有實賴虎臣報功崇德分券圖麟德薄位尊或覆厥身
韓彭絳灌全毀由人作異姓王侯表第四

三公論道致主調元秩有等殺職共斯言爰立無友考慎台垣
一人進退治忽攸源作閣臣表第五

魏乎冢宰百官之表責在進賢決彼群小告白乃邑休休皎皎
吏治澄清兆民斯擾作典詮表第六

無競維人萬方之望克展其猷知恤在上猗我多賢爲周乎倡
爰條晁董以俟魏相作名臣記第七

成仁取義人臣之信寧爲祭犬不事堯舜心協三仁黨凌八俊
立懦厲頑名教丕振作遜國臣記第八

星象考驗代有程章玄機杳默固矣梓萑無災可懼有災亦昌
誠身省躬實應之常作天文述第九

天子無外莫不尊親廣土非寶寶在裕民聚人以財守財以人
得彼猛士慎固成賓作地理述第十

舜嚴降格說戒弗欽神無私享明德惟馨敦此仁孝率義推心
必躬必敬昭格咸臨作三禮述第十一

官代天工惟民之極睿制曲防綱維以則擇人乃昌擇官斯成
敬事君子慎思厥職作百官述第十二
要荒服夏番鎮承周炎風朔雪孰匪受球總攬乾綱余宋長猷
王者不治亦曰懷柔作四夷考第十三
北門勁寇郊畿接壤人由我益地由我廣茲備將來盍懲既往
鎖鑰得司不兵而攘作北虜考第十四

實錄果可傳信乎前賢論諭諍矣野史散雜無統又未足盡
馮也故必凌雲御日之才博洽淹貫分明經緯恍兮身處當
時目見往事非若班氏以後轉相譖襲乃能會為全史昭不
朽之烈垂不刊之典先君嘗志於此惜乎始懲李禍終促遐
齡偉作弗全英儻留恨今梓惟大政記放朱子綱目及本紀
然綱且未敢備况目乎非是無以首卷通達者當意會遜國

特述故事以續編年王侯放十表翁序諍之閣臣典諄感時
作也為臣不易况心腹股肱哉記名臣放列傳也論旨深遠
遷史下無及者天下何時無才能盡其用有幾然亦自不可
泯觀遜國記諸臣尤見盛世人性之善超越千古三禮天官
皆諷諫也禮書所載禮之為用大矣寧獨祀事舉時要耳天
官亦然是以全樂公之疏也述百官以明職掌今有官君子
皆能不曠此乎庶政和而萬國寧矣地里夷官北虜先君初
官職方最所究心非昔志輿地比也歌六月詩讀李翱文始
知公忠愛無窮奕然有封狼居胥意是凡十有四篇其事皆
有司存翁非立本朝贊國均而陳此經世之書如出位之謂
何雖然以此罪翁亦或以此知翁自世之下應有心契於形
迹之外而諒此勤勤之衷者固非翁及諸孤所敢豫計也此

即所存今書之半翁各自爲小序其女后樂律儀制兵畧茶
馬鹽糧運法水利藝文隱逸酷倭方技等傳皆廢丙辰翁且
謂應有紀之勿復更補然上下二百年間舊章成憲大要畢
具忠臣持以事君志士懷以籌務成此依循免面墻矣嗚呼
若斯之人而天奪之速豈獨孤之失所怙哉外今言徵吾等
錄各自爲集不復附此

不肖孤鄭復淳泣血稽顙謹識

皇明大政記序

大政記者記政之大者也政必端大本審大機建大法係此小
事必書否雖大勿錄也恭惟我
朝文謨武烈丕顯丕承

聖子神孫善繼善述巍巍二帝之治郁郁三代之文俾彼典常
允宜師守顧洪猷浩蕩玉籍淵珍莫罄名言孰諧成憲予翁淹
貫通達推絕一時雖職非史官而光照

先皇令德以垂多士儀刑與人爲善之心不敢諱况切雲雷霖
雨之志而徒老投閒今衰已甚爰放編年陳茲大典庶使後之
佐孝宣者有所依繩而頌慶曆者咸此考據且知翁精誠之運
周旋

二祖

列宗左右也

嘉靖丙寅三月朔

賜進士第觀吏部政臣鄭復淳拜手稽首謹識

鄭端簡公吾學編總目

大政記十卷

遜國記一卷

同姓諸王表二卷傳三卷

附異姓三家
孔氏世家

異姓諸侯表一卷傳二卷

直文淵閣諸臣表一卷

兩京典詮表一卷

名臣記三十卷

遜國臣記八卷

天文述一卷

地理述二卷

二禮述二卷

百官述二卷

四夷考二卷

北虜考一卷

計十四類

共六十九卷

先君非功名士也富貴云乎哉有嘉言善行而不得播聞人子之罪也况勤著作以經世務

聖化者而翁大漸又惓惓顧托言猶在耳忍不終其志廣其傳翁方見梓之半而孤忽罹大感創創顛

闕

聖恩優渥褒恤殊章孤籍前休復蒙錄廢榮哀既備功賞世延實賴

天上臯夔情見死生誼公衡

恩雖倖致望愜羣心感荷徒窮不知所以為報也

隆慶紀元五月甲戌抵舍仍侍几筵曠違倏已更歲依依當時瞻戀而音容杳然一檢遺編惡緒紛雜嗚呼翁何如人也乃遽至此哉翁身可死而有不可朽者惟此書耳予兄謂翁之書未盡其學翁之用未盡其書旨深遠矣翁自丙辰每得一稿即呼兄弟示之又必曰準校梓勿失也孤故獨藏所刻吾學編六十九卷徵吾錄二卷文集年譜未竟共板四千有奇布帛之文精神之聚衡門泌水之經綸固非特湘臣洛士之詞賦已也凡翁子孫永宜世守翁嘗命既梓但刷千冊即毀板或畀書肆子終身清介遺子孫安毋以書勞後人嗟乎沒身猶計燕翼而為翁子者僅此遺書弗能守耶

皇明大政記第一卷

長樂郡
振華書
請刊本

吾學編第一卷

臣海鹽鄭曉

賊大明太祖高皇帝洪武元年春正月乙亥即皇帝位○追尊
 四世考妣為皇帝皇后立妃馬氏為皇后世子標皇太子○戊
 寅居新宮○征南大將軍湯和克延平執陳友定○宣國公李
 善長信國公徐達為左右丞相章溢劉基御史中丞○省府請
 皇太子為中書令不許令廷臣勲德老成者兼東宮官○建南
 北郊太社稷○是月天下官來朝○二月湯和提督海運○征
 南將軍廖永忠副將軍朱亮祖平福建進取廣東○以太牢祀
 先師孔子于國學○定宗廟時享禮○禁胡服胡語胡姓○定
 賦法後法○三月彗星見昴○征虜大將軍徐達取汴梁河南
 ○夏四月將軍鄧愈取南陽諸郡○永忠師至東莞元廣東守

臣何真降○汪廣洋陶安爲山東江西叅政○改太史院爲司
天監○五月庚寅帝至汴梁○徵天下賢才爲守令○六月達
朝行在令率諸將取元都○秋七月永忠取廣西○賑恤中原
○帝還京右副將軍馮勝守汴梁○閏七月達會兵于臨清進
克通州乙丑元主走上都○八月詔以金陵汴梁爲南北京○
庚午達入大都元亡○巳卯大赦○帝幸北京○設六部官勝
殺楊士義錢用壬陳寬周禎單安仁爲尚書○御史中丞劉基
致仕○放元宮人○九月遣儒臣詹同等訪求賢哲○冬十月
帝還南京○征南師還○置京畿漕運司龔魯薛祚爲漕運使
○十一月孔希學襲封衍聖公○遣儒臣魏觀等訪求賢材○
十二月達克太原平陽
配洪武二年春正月免山東山西北平河南南畿田租○詔諭

四夷君長○倭寇山東並海郡縣○二月耕籍田○修元史宋
濂爲翰林學士王禕待制○修治皇陵○達克河中進取陝西
○三月達兵至鳳翔李思齊奔臨洮○夏四月思齊降○倭寇
南畿並海郡縣○五月甲午朔日食○達出蕭關下涼涇延廊
張良臣以慶陽降尋叛○御史中丞兼太子贊善大夫章溢卒
○六月常遇春克大寧開平○秋七月征虜副將軍平章軍國
重事太子少保鄂國公常遇春卒李文忠領其兵進攻大同克
之○八月達克慶陽斬良臣陝西悉平○元史成○九月以臨
濠爲中都○建功臣廟○冬十月郡縣立學○遣使貽書元主
○十一月乙巳日南至祀圜丘奉仁祖配○十二月王保保襲
蘭鞏守將于光死之○是年定內侍諸司官○設王相府○封
陳日瑤爲安南國王王顯高麗國王

煥洪武三年春正月征虜大將軍徐達左右副將軍李文忠為
勝左右副將軍鄧愈湯和分道率師討王保保○二月大同
守將金朝興取東勝○追封郭子興滁陽王○文忠取興和○
三月免南畿山東河南北平浙東田租達兵至定西保保退屯
車道峴○夏四月封建諸王○王保保逆戰我兵敗績○復戰
於定西保保敗走和林○元君安懽睦爾殂于應昌其子愛猷
識理達臘嗣立○五月開科取士○文忠克應昌復買的里八
刺愛猷識理達臘北走○適取漢沔降興元○大旱上雩大雨
○蜀寇興元都督孫興祖戰歿○六月倭寇登萊轉掠浙閩並
海諸郡萊州府同知趙秩使日本○定太學生資格○秋七月
陶凱為禮部尚書○劉基為弘文館學士○楊憲汪廣洋為中
書左右丞尋殺憲○八月募民輸粟中鹽○監察御史張敬之

使諭渤泥國○九月改司天監為欽天監○冬十月征南將軍
周德興討慈利蠻○貽書元嗣君愛猷識理達臘○十一月文
忠班師還京○謚故元君為順帝封買的里八刺為崇禮侯○
大封開國功臣進封善長達韓魏國公領太師太傅封李文忠
曹國公鄧愈衛國公馮勝宋國公湯和中山侯汪廣洋忠勤伯
劉基誠意伯餘封贈官賞有差○十二月大明志成○立鹽法
薛洪武四年春正月太師韓國公左丞相李善長致仕汪廣洋
為右丞相胡惟庸右丞○誠意伯劉基致仕○征西將軍中山
侯湯和左右副將軍江夏侯周德興慶侯廖永忠征虜前將軍
穎川侯傅友德左副將軍濟寧侯顧時帥師分道伐蜀○免田
租○二月帝如中都尋還京○三月賜吳伯宗等進士及第出
身有差○改築園丘方澤○閏三月和次夔州○廢靖江王守

謙爲庶人○夏四月友德克階州○和次歸州友德克文州○
徵山林隱士○五月免浙江江西田租○六月友德拔漢州永
忠克夔州進至重慶明昇降○虜納哈出侵遼東○倭寇膠州
秋七月馬雲葉旺爲定遼指揮使鎮守遼東○友德克成都川
蜀悉平○詹同爲吏部尚書兼翰林院學士承旨○令奏災異
○八月封明昇歸義侯○九月庚戌朔日食○禁征海外諸夷
○冬十月征西諸將班師還京○十一月江西叅政陶安卒○
十二月開茶市○是年徙歸德侯陳理歸義侯明昇於高麗○
日本良德遣人入貢

壬洪武五年春正月翰林待制王禕詔諭雲南○征南將軍衛
國公愈副將軍江夏侯德興汪陰侯良帥師討廣西蠻平之○
征虜大將軍魏國公達征西將軍宋國公勝征虜前將軍曹國
公文忠帥師分道伐虜勝取甘肅文忠擣應昌宣寧侯曹良臣
戰沒○二月都督藍玉擊敗虜於野馬川○三月玉兵擊敗王
保保於土刺河○夏四月鄧愈兵至澧平散毛諸蠻○五月達
兵逾嶺遇虜戰敗績○倭寇浙東西並海郡縣○六月賑山東
饑民○勝兵敗虜於瓜沙文忠兵敗虜於阿魯渾河○免水旱
蝗郡縣田租○秋七月湯和兵至斷頭山遇虜戰敗績○定宦
官禁令○八月倭寇福建○遣儒臣詹同等訪求賢哲○革寧
夏府○九月德興平鳳泗諸蠻○安南陳叔明弒其主日墜而
自立○冬十月北征諸將班師還京○十一月征南諸將班師
還京○虜納哈出寇遼東○十二月宋濂爲太子贊善大夫○
令省府臺置銅鑿簿錄時政○縱內府禽獸○遣使貽書元嗣
君○是年定掖庭局司女官

癸洪武六年春正月謫汪廣洋爲廣東叅政○二月罷科舉舉賢良○令有司上山川險易圖○三月征虜大將軍達左右副將軍文忠勝左右副將軍愈和統兵分道備虜○都督於顯總兵出海防倭○夏四月贈謚開國功臣○詔求賢才○五月虜寇武朔達遣兵擊走之○六月免河北旱蝗田租○秋七月劉惟謙爲刑部尚書○胡惟庸爲右丞相陳寧御史大夫詹同兼翰林學士承旨宋濂兼翰林侍讀學士○達遣列侯諸將分統步騎兵擒討殘胡○倭寇登萊○八月詔祀三皇○建歷代帝王廟○九月設六科給事中○冬十月大明律成○封西番朶甘烏思藏諸酋爲王師官長○十一月達兵破虜於大同○閏十一月定糾劾內官法○十二月浚開封漕河○雲南人殺我詔諭使王禕

甲洪武七年春正月文忠敗虜於白登○二月丁酉朔日食○○丁未祀先師○三月詹同解部事呂洪爲吏部尚書○轉漕粟于陝西○夏四月都督藍玉敗虜於興和○五月大雩○六月倭寇膠海○秋七月文忠破虜於大石崖○八月文忠敗虜於豐州○靖海侯吳禎總兵出海捕倭○九月遣崇禮侯買的里八剌北還○復設市舶司○冬十月己未皇長孫維英生○徙江南民實中都○十一月封上煙帖木兒爲安定王○十二月鑿石灰山河○日本良懷及其陪臣各遣人入貢却之○勸農○立鈔法錢法○夏四月幸中都尋還京○致仕贊善大夫護軍誠意伯劉基卒○五月市馬西番○六月○秋七月己未朔日食○免江南湖北旱租○八月京師大旱○開登萊河

○九月湖廣叅政吳雲使雲南○虜寇大同鴈門○詔舉富民
素行端潔達時務者○冬十月皇太子及秦晉楚靖江王講武
中都○十一月增六部官○十二月陝州人獻天書斬之○虜
納哈出寇遼東守將馬雲葉旺擊敗之以爲都督僉事仍守遼
東○是年設都指揮使司○召致仕禮部尚書陶凱爲國子監
祭酒

丙洪武九年春正月定宗王公主歲祿○二月和友德屯延安
○三月免南畿山西陝西河南福建江西北平湖廣田租○夏
四月庚戌雨○五月雨○六月詔改行中書省爲承宣布政使
司○宋濂爲翰林學士承旨○秋七月癸丑朔日食蘇松嘉湖
大水免其田租○八月吳印爲山東左布政使○九月更定王
府官制○閏九月七耀紊度詔求直言○冬十月更作太廟○

定太廟侑享功臣○十一月吐蕃寇西塞○十二月賑江南湖
北○置寧夏諸衛

丁洪武十年春正月學士承旨宋濂致仕○二月白虹貫日○
三月○夏四月征西將軍鄧愈副將軍沐英率師討吐蕃破之
○五月韓國公善長曹國公文忠總中書省都督府御史臺同
議軍國重事○六月政事啓皇太子處分奏聞○秋七月監察
御史巡按州縣○設通政司曾秉正爲通政使○八月庚戌改
建園丘于南郊○九月江東浙西大水免其田租○冬十月封
沐英西平侯○併首州縣○十一月己卯皇孫允炆生○丁巳
合祀天地于奉天殿○征西將軍叅軍國事衛國公鄧愈卒○
都督濮真征高麗被執不屈死之○十二月乙巳朔日食○松
番蠻入寇平羌將軍御史大夫丁玉討平之○真人張正常卒

于宇初嗣○是年汪廣洋復為右丞相○復守謙靖江王從雲南尋安置鳳陽

成洪武十一年春正月改封吳王為周王罷杭州護衛○進封湯和信國公○二月祀太社太稷奉仁祖配○三月禁奏事關白中書省○夏四月朱夢炎為禮部尚書○元嗣君愛猷失理達臘殂子脫古思帖木兒立○五月選武臣子讀書國子監○六月遣使祭故元嗣君○秋七月○八月免南畿河南陝西廣東湖廣田租○蘇松楊台海溢○九月有星孛於天弁○贈劉繼祖義惠侯○冬十月甲子大祀殿成○十一月吐蕃入寇征西將軍英討平之○十二月乙巳朔日食○是年皇太子妃常氏卒

紀洪武十二年春正月己卯合祀天地于南郊○二月曹國公

文忠督理隴西西寧軍務○信國公和率列侯諸將練兵臨濟○三月樂鳳韶為國子祭酒尋致仕○夏四月免北平田租○五月○閏五月○六月都督馬雲征大寧○秋七月曹國公之忠領大都督府事○平羗將軍丁玉討平蜀寇○八月安置日本使僧於陝西○九月西平侯英大破西番班師○冬十月吳沉為翰林待制○十一月封藍玉永昌侯○十二月安置右丞相汪廣洋於海南暴卒○訪求卜筮人

曠洪武十三年春正月殺左丞相胡惟庸御史大夫陳寧中丞涂節罷中書省更定六部官秩改大都督府為中左右前後五軍都督府○僕斯為吏部尚書尋改禮部劉崧為署吏部尚書○二月詔舉聰明正直孝弟力田賢良方正文學術數之士○太師韓國公李善長罷○三月壬寅成祖之國北平○桂彥良

葛誠為晉燕府長史○夏四月都督張赫朱壽率舟師海運○五月甲午震謹身殿火赦免天下田租○御史大夫安然罷韓國公李善長理御史臺事○罷御史臺及提刑按察司○署吏部尚書劉崧致仕阮駿為吏部尚書○六月震奉天門○置諫院官唐鐸為諫議大夫○秋七月復京官家○八月安置日本使僧於川陝○九月置四輔官以龔敷杜敷趙民望吳源為春夏官○冬十月詔求真才○十一月○十二月列侯諸將屯田北平練兵遼東○安置翰林學士宋濂於茂州○是年後屢寇海上郡縣

醉洪武十四年春正月虜乃兒不花入寇征虜大將軍達左右副將軍和友德帥師討之○詔求賢○編賦後黃冊○二月李叔正為禮部尚書○三月大赦○復提刑按察司○夏四月達

督諸將兵出塞至北黃河擊虜破之遂班師○五月故翰林學士承旨宋濂卒於夔州○六月海鹽捍海塘成○秋七月復大理寺○日本僧良懷遣僧貢馬安置川陝番寺○八月河決原武○征南將軍江夏侯德興副將軍安慶侯仇成帥師討四川蠻平之○九月征南將軍穎國公友德左右副將軍永昌侯玉西平侯英帥師取雲南○冬十月壬子朔日食○定考覈殿最法○十一月南雄侯趙庸總兵討平閩廣群盜延安侯唐勝宗總兵討浙東山寇平之○倭寇廣東南雄侯庸擊破之○十二月征南兵至曲靖取臨安進克雲南○令翰林院平駁諸司奏啓○是年召致仕刑吏部尚書李敬劉崧為國子祭酒司業
壬洪武十五年春正月汝南侯梅思祖掌雲南布政司事張統為左叅政○二月詔諭雲南諸夷○閏二月彗星見○征南兵

克大理鶴慶麗江降車緬諸夷○三月南雄侯庸籍蛋戶為水軍○夏四月詔監學通祀孔子○免南畿浙江江西河南山東田租○宋訥為翰林學士○日本遣人朝貢○五月皇長孫雄英卒○太學成帝幸學謁先師遣使求經明行修之士○六月○秋七月開濟為試刑部尚書○八月丙戌皇后馬氏崩○詔設科取士○九月雲南諸夷叛征南兵討平之○冬十月廣東盜起南雄侯庸討平之○設殿閣大學士○邵質吳伯宗宋訥吳沉為華蓋武英殿文淵東閣大學士○徵耆儒鮑恂余鈗張長年為文華殿大學士辭不拜○十一月○十二月孝陵成封都督李新崇山侯○是年設都察院詹徽林駟為監察都御史○癸洪武十六年春正月宋訥為國子祭酒曹國公文忠領國子監事○二月○三月征南諸將班師還京留英鎮守雲南○復

鳳淮繇賦視豐沛○夏四月倭寇浙東○五月令都司上衛所城池水陸地理圖○六月○秋七月遣御史錄囚於諸省○八月壬申朔日食○九月征南將軍中國公鄧鎮左右副將軍江侯陳鏞濟寧侯顧敬率兵討龍泉山寇平之○冬十月○十一月定祀歷代名臣○十二月初令儒學歲貢生貢

拜洪武十七年春正月魏國公達鎮守比平信國公湯和巡視海道築山東江南北浙東西海上諸城○二月更定都察院官詹徽為左都御史○定吏員資格○三月大赦○令科舉薦舉並行○同知軍國事大都督府左都督兼領國子監事曹國公李文忠卒○夏四月進封傅友德穎國公○更定內侍監局司庫門官品職○五月鄒俊為大理卿○六月令朝覲官上人民土地圖○秋七月盱眙人獻天書伏誅○八月吏部尚書俞煥

定考績法○九月慶士陳遇卒○冬十月冊李氏為淑妃攝中
宮事○閏十月大明清類天文分野書成○十一月○十二月
○是年修祖陵

恥洪武十八年春正月劉三吾為翰林學士○朱善為文淵閣
大學士○二月初昏五星並見求直言○錄軍國重事太傅右
丞相魏國公徐達卒○三月初選進士為翰林院承勅監六科
庶吉士○夏四月思州苗叛征虜將軍和副將軍德興帥師從
楚王討平之○五月○六月○秋七月五開蠻叛和遣兵討平
之○八月遣公侯伯還鄉里○九月太白經天○文淵閣大學
士朱善卒○築漳河隄○冬十月頒大誥○彗星見○十一月
作觀星臺○十二月舉孝廉
炳洪武十九年春正月穎國公友德長興侯炳文帥師討雲貴

諸蠻平之○二月納哈出營金山數寇東塞○三月白虹貫日

○夏四月河南大水贖民粥子○五月安置日本使僧於雲南

○六月詔有司養老尊賢報功賑貧恤孤薦士○秋七月三辰

星見○八月皇太子修祖陵○九月賑旱蝗郡縣○冬十月封

何真東莞伯○十一月○十二月癸未朔日食

丁洪武二十年 春正月征虜大將軍宋國公馮勝左右副將

軍穎國公傅友德永昌侯藍玉左右參將南雄侯趙庸定遠侯

王弼東川侯胡海武定侯郭英參贊軍事都督商高帥師討納

哈出○焚錦衣衛刑具○二月魚鱗問成○置兩浙防倭衛所

○三月勝帥出松亭關城大寧○夏四月江夏侯周德興福建

築城練兵防倭○五月納哈出棄金山營北走○六月臨江侯

陳鏞陷虜死○勝兵逾金山納哈出降遂班師○太白經天○

開六月勝兵還金山殿帥濮英陷虜死○秋七月定親王歲祿五萬石○八月戒諭北征諸將召勝還玉行總兵事○九月封納哈出海西侯○安置鄭國公常茂於龍州○置北平行都指揮使司於大寧○征虜大將軍永昌侯藍玉左右副將軍延安侯唐勝宗武定侯郭英左右參將都督耿忠孫恪擒討殘胡○冬十月罷勝歸鳳陽○十一月靖寧侯葉昇普定侯陳桓討東川諸蠻平之○十二月封張赫航海侯朱壽舳艫侯○賊洪武二十一年春正月百夷思倫發叛都督寧正討平之○二月定歷代君臣從祀帝王廟○三月遣公侯諸將從大將軍玉出大寧征虜○夏四月卡師至捕魚兒海脫古思帖木兒可汗敗走封玉涼國公○五月甲戌朔日食○東川蠻叛征南將軍穎國公友德左右副將軍西平侯英普定侯桓帥師討平之

○六月○秋七月贈故金山侯濮英為樂浪公尋封其子興西涼侯○八月北征諸將班師還京○九月越州土酋阿資叛友德討平之○友德遣將分討東川叛蠻平之○冬十月解縉為監察御史○徐允恭嗣封魏國公封常昇開國公○十一月○十二月丁卯三辰晝見○安南黎季犛弑其主熾

比洪武二十二年春正月友德兵至越州阿資遁還越州○二月友德兵至越州阿資降○三月友德率二十四將軍分屯湖川防西南諸夷○夏四月徙江南民田淮泗○置詹事院○五月置太寧福餘朶顏三衛於兀良哈○六月周定王棄國之鳳陽遷雲南尋遣還國○秋七月征南諸將班師還京○八月更定大明律○禁武臣預民事○九月丙寅朔日食○冬十月徙民墾閒田○十一月虜也速迭兒弑其主脫古思帖木兒而立

坤帖木兒○思倫發入貢謝罪日昃遂平○十二月倭掠寧海
○是年詹徽為吏部尚書兼左都御史○改大宗院為宗人府
秦王為宗人令晉王成祖左右宗正周王楚王左右宗人○黎
季舉弑其主陳日焜○高麗人幽其主禰又廢其主昌
漢洪武二十三年春正月癸亥入南平○市馬漠北○晉王成
祖率諸將分道伐虜○貴州苗叛延安侯勝宗討平之○贛賊
湖蠻叛總兵東川侯海左右副總兵善定侯桓靖寧侯昇討平
之○二月國子祭酒宋訥卒○涼國公玉討西番遣將瞿能徐
凱出大渡河擊敗之○三月成祖率征虜前將軍穎國公友德
左右副將軍南雄侯庸懷遠侯興出古北口伐虜○夏四月魏
京城外垣○閏四月玉平諸番○五月肅清奸黨○太師韓國
公李善長暴卒○六月選用耆民有才德知典故者○秋七月

江南北海溢○河決江南○八月召涼國公玉還京○九月庚
寅朔日食○夏長文為僉都御史○冬十月○十一月○十二
月購遺書○是年潭王梓暴卒

辛洪武二十四年春正月築浙東海隄○二月改封豫王為代
王漢王為肅王衛王為遼王○三月戊子朔日食○賜許觀等
進士及第出身有差○友德兵出東塞討虜大獲而還○夏四
月鑄渾天儀○彗星出紫微垣○五月漢衛谷慶寧岷六王練
兵臨清○六月河決原武入淮○秋七月徙富民實京師○八
月乙丑皇太子巡撫陝西○九月都督宋晟劉貞帥師征哈密
大獲而還○倭寇廣東○冬十月北平大水免其田租○馮堅
為僉都御史○十一月宋國公勝涼國公玉請討西番不許○
十二月皇太子還獻相宅圖○阿資復叛平羌將軍都督何福

討之阿資降

駐洪武二十五年春正月河決陽武○福討平雲南諸蠻○令死囚輸粟塞下○二月高麗李成桂幽其主瑤而自立○列侯諸將練兵西北諸塞○三月舳艫侯朱壽率舟師海運○夏四月丙子皇太子卒○涼國公玉征罕東○都督總兵聶緯討建昌叛酋月魯帖木兒○五月封俞通淵為魏雋侯○玉兵破罕東移兵討建昌蠻○六月征西將軍西平侯沐英卒○秋七月琉璃中山王察度遣子弟學於國子監○八月葵懿文皇太子○九月庚寅立皇孫允炆為皇太孫○冬十月沐春嗣西平侯鎮守雲南○更高麗為朝鮮國○十一月玉平建昌蠻獲月魯帖木兒檻送京師伏誅○十二月宋國公勝穎國公友德曹國公景隆涼國公玉開國公昇全寧侯恪兼太子太師太傅太保

嘉瑞太子少傅少保兼吏兵部尚書○閏十二月翰林學

士劉三吾罷

洪武二十六年春正月兵部尚書致仕唐鐸刑部尚書楊

兼太子賓客○二月晉王統山西河南兵出塞捕虜○曹國公

文忠市馬西番○殺涼國公藍玉吏部尚書詹徽○驗封主事

翟善署吏部事尋為尚書○三月倭寇浙東○四月太白經天

京師大旱求直言錄囚徒○五月○六月郁新茹瑞嚴震直為

戶兵工部尚書○秋七月甲辰朔日食○八月從慶靖王於韋

州○九月復以劉三吾為翰林學士○赦胡黨藍黨○冬十月

徙封岷莊王於雲南○十一月劉璟為谷府長史提督調燕代

肅遼慶寧六府事○十二月○閏十二月

洪武二十七年春正月賑貸貧民○二月倭寇浙東都督劉

德商高巡視兩浙防倭○三月都督楊文魏國公徐輝祖安陸侯吳傑練兵防倭○韓王審王分道首視秦晉燕周齊王○城東勝○夏四月令民樹桑棗○五月却安南朝貢○六月○秋七月任亨泰為禮部尚書○八月偕文軍叛平差將軍甯正討平之○九月寰宇通衢書成○冬十月倭寇金州○十一月阿資復叛西平侯春率兵討之阿資走○十二月女直寇遼東都督宋晟劉貞禦却之○是年太子太師穎國公傅友德暴卒○刻洪武二十八年春正月都督周興總兵宋晟劉貞副之帥師捕野人○西平侯沐春擒斬阿資越州平○二月太子太師宋國公馮勝卒○三月秦愍王卒世子尚炳嗣秦王○夏四月倭寇金州○五月討平四川洞蠻○六月禁黥官刑之刑○七月廣西守將韓觀討平山寇○八月征南將軍楊文左右副

將軍韓觀宋晟參議軍事兵部尚書唐鐸帥師討龍州諸蠻○信國公湯和卒○貴州蠻叛守將顏成討平之○九月貶翟善為宣化知縣○閏九月皇明祖訓成○更定親王歲祿一萬○罷楊雄文廟從祀祀董仲舒○冬十月冊馬氏為皇太孫妃○十一月諸蠻悉平○十二月征南諸將班師還京○是年給事中傅安郭驥使西域

丙洪武二十九年春正月杜澤為吏部尚書○門克新為禮部尚書○韓觀為都督同知○二月征虜前將軍胡冕討郴桂蠻平之○三月○夏四月○五月○六月築河防○秋七月○八月免應天五郡田租○九月○冬十月晦皇曾孫文奎生○十一月鑄渾天儀○十二月五星紊度○是年定外官三年一朝觀○罷大理寺

訂洪武三十年春正月將軍長興侯耿炳文副將軍武定侯郭英備虜關中○盜起炳文討平之○劉觀耿清為署左右僉都御史○二月白虹亘天○水西蠻叛征南將軍顧成討平之○三月○夏四月晉王成祖練兵備虜○令軍民有一材一藝者得自陳效用○五月壬子朔日食○楚王湘王率都督楊文韓觀顧成兵征諸洞蠻平之○晉燕代遼寧谷六王勒兵備虜○六月翰林院學士劉三吾暴卒○賜禮部覆試貢士韓克忠等進士出身有差○召駙馬都尉歐陽倫暴卒○秋七月左都御史楊清暴卒○八月河決開封○鄭沂為禮部尚書○九月平緬諸蠻刀幹孟叛逐宣慰使思倫發○冬十月癸亥犯南斗○重建國子監先師廟成○十一月征虜前將軍西平侯春左右副將軍都督何福徐凱率師討刀幹孟○十二月癸

未上不豫○是年太子少保掌刑部事唐鐸卒

賊洪武三十一年春正月令山東河南墾田○二月倭寇山東

浙東○定吏員出身資格○三月廷臣請討朝鮮不許○夏四

月邊將分道率兵從成祖代遼寧谷王出北平禦虜○黃福為

工部右侍郎○五月西平侯春擒刀幹孟思倫發還平緬○甲

寅上不豫○都督楊文總兵北平參贊成祖○總兵武定侯英

副總兵宋晟從遼王出開平備虜○閏五月乙酉帝崩于西宮

○辛卯皇太孫即皇帝位○葬孝陵號謚大行皇帝太祖高皇

帝孝慈皇后孝慈高皇后○蹇義夏原吉為吏戶部右侍郎○

革冗員○省府州縣○六月方孝孺為翰林侍講齊太兵部尚

書○秋七月董倫為禮部左侍郎兼翰林學士○廢周定王為

庶人○吏部尚書茹瑺掌河南布政司事尋召為兵部尚書○

八月魏國公輝祖兼太子太傅○征夷將軍都督何福副將軍
徐凱帥師征百夷平之○九月長星西墮○雲南總兵西平侯
沐春卒○冬十月熒惑守心○吏部尚書茹瑺免張統為吏部
尚書○十一月御史解縉謫吏河州○工部侍郎張昇掌北平
布政司事謝貴張信北平都指揮使○陳迪為禮部尚書○舉
山林巖穴懷林抱德之士○齊王榑有罪留京邸○十二月征
南總兵顧成班師還京○是年王鈿為戶部尚書鄭賜工部尚
書曾鳳韶監察御史

紀建文皇帝建文元年春正月大祀天地於南郊奉太祖高皇
帝配○修太祖高皇帝實錄○二月追尊皇考懿文皇太子為
興宗孝康皇帝皇妣懿敬皇太子妃為孝康皇后○尊母皇太
子妃呂氏為皇太后○立妃馬氏為皇后子文奎為皇太子○

封弟允熲為吳王允熒衡王允熒徐王○詔薦賢養老墾田興
學考察官吏旌孝賑貧揜歆埋骨贖民鬻子減田租○令親王
不得節制文武吏士○周是修為衡府紀善○北平右布政使
曹昱按察副使張璉有罪除名落職○三月丁巳祀先師幸太
學○北平按察使陳瑛有罪安置廣西○勅都督宋忠徐凱耿
璫將兵屯開平臨清山海關○遣采訪使都御史暴昭侍郎夏
原吉等巡行天下問民疾苦○京師地震求直言貶監察御史
尹昌隆為福寧知縣○夏四月弁衛所○湘王栢暴卒○廢齊
王榑代王桂為庶人○五月北平按察僉事湯宗上變告繫詔
獄○王叔英為翰林修撰○六月解縉為翰林待詔○秋七月
癸酉成祖起兵靖難北平右布政使郭資都指揮張信降掌布
政司事侍郎張昇都指揮使謝貴燕府長史葛誠伴讀余逢辰

死之宋忠率師次居庸退保懷來○成祖上書請誅齊太黃子澄○都指揮使馬宣起兵薊州攻北平不克死之○通薊遵化密雲皆降燕○成祖克懷來獲宋忠都指揮彭聚孫泰戰死○大寧守將劉貞陳亨卜萬引兵次松亭關逮萬下獄○征虜大將軍長興侯耿炳文左右副將軍駙馬都尉李堅都督甯忠率安陸侯吳傑江陰侯吳高都督都指揮盛庸潘松楊忠顧成徐凱李文陳暉平安分道進攻北平○置平燕布政使司于真定刑部尚書暴昭掌布政司事○贈故翰林待制王禕為翰林學士○封李堅為灤城侯○八月炳文兵次真定○靖難兵克雄縣獲楊忠潘松○炳文及靖難兵戰於真定敗績李堅甯忠被執○丙寅成祖還北平○曹國公李景隆為征虜大將軍召炳文○王棟還京師○召遼王植寧王權遼王至寧王不至

徙封遼王於荊州○九月吳高及耿璿楊文帥兵圍永平○景隆兵次河間○山東叅政鐵鉉叅贊景隆軍務○成祖援永平高退保山海關○吳傑兵潰於真定遁降南寧指揮使○冬十月成祖襲破大寧府守將朱鑑死之○陳亨降燕襲破劉貞貞走還京○景隆進兵攻北平○成祖以寧王權及大寧漢達兵援北平○十一月景隆逆戰於鄭村壩大敗奔德州○乙亥成祖再上書○廢岷王梗為庶人○十二月吳高有罪徙廣西楊文鎮守遼東○成祖克廣昌○薊州鎮撫曾濬起兵攻北平不克死之駙馬都尉王寧有罪下獄○練子寧為吏部侍郎○復以茹瑺為兵部尚書○罷齊太黃子澄留京師○加景隆太子太師○首躬殿成○徙肅莊王於蘭縣○殺留守左衛指揮同知李申○叅贊大將軍軍務高巍使北平錢芹為行軍署都

事茅大芳為副都御史

庚建文二年春正月成祖克蔚州進攻大同○二月改都察院為御史府改景清為御史大夫戴德彝左拾遺○黃觀為禮部侍中掌尚寶司事○虜坤帖木兒可汗瓦剌王猛哥帖木兒款北平○景隆援大同○成祖還北平○保定知府雒僉降燕○劉儁為兵部侍中○三月丙寅朔日食○賜胡靖王良等進士及第出身有差○夏四月胡靖為翰林修撰○成祖至白溝河景隆率諸將兵合戰大敗走德州參政鐵鉉參軍高巍還守濟南○靖難兵進攻德州○五月景隆奔濟南靖難兵入德州轉掠濟陽儒學教諭王省死之○成祖進兵圍濟南景隆出戰敗績鐵鉉高巍禦却之○都督僉事朱榮棄師還京伏誅○六月置資德院○遣尚寶司丞李得成至燕議罷兵○秋七月得成

還自濟南下獄尋釋之○平安率兵次單家橋○八月濟南圍解成祖還北平○承天門災詔求直言○改謹身殿為正心殿○改方孝孺為文學博士○九月改承天門為臯門○冬十月置威武中衛○平安及靖難兵戰鐸山斬其將陳亨○徐凱城滄州成祖襲破之獲凱○封盛庸為歷城侯鐵鉉為山東左右政使○召景隆還平燕將軍盛庸左右副總兵陳暉平安左右參將馬溥徐真鐵鉉參贊軍務督諸兵北進○十一月庸進兵德州○成祖至臨清移屯館陶○十二月成祖進兵次上掠濟寧庸兵躡之營於東昌○乙卯成祖至東昌○庸出兵大戰斬其將張玉成祖退屯館陶○鐵鉉為兵部尚書仍參贊軍務○詔舉優通文學之士○鄒瑾為大理右寺丞

辛建文三年春正月凝命神寶成○召齊太黃子澄議軍國事

○成祖還北平○二月成祖至保定○加禮部尚書陳迪太子少保○調大理左右少卿汪善聞良輔為河南湖廣肅政按察副使鎮江知府薛崑補缺胡閏為大理左右少卿○三月成祖合諸兵南進○庸及靖難兵大戰於夾河斬其將譚淵再戰庸兵敗走德州○真定諸將及靖難兵戰於單家橋敗績再戰於藁城敗績○閏三月靖難兵掠順德廣平大名○謫齊太黃子澄諭燕罷兵○成祖上書請召諸將還京遣大理少卿薛崑報之○夏四月崑還○真定諸將出兵扼燕餉道不克○五月成祖遣武勝上書下詔獄○調刑部左侍郎王良為浙江肅政按察使○六月靖難兵至濟浦都督素宇禦之敗績○太僕少卿祝孟獻使朝鮮市馬○秋七月靖難兵掠彰德○遣人貽書燕世子○大同守將房昭率兵取保定駐西水寨成祖還援保定

○八月靖難兵圍西水寨○限甯道田人五畝○九月靖難兵攻定州○平安進攻北平不克○次真定○倭寇浙東○置豐沛軍民指揮司○冬十月真定諸將遣兵援昭及靖難兵戰於齊眉山敗績○成祖還北平○翰林修撰王良卒○徙慶靖王於寧夏○十一月遼東總兵楊文攻永平不克○平安戰敗靖難兵於楊村○皇子文莊生○坤帖木兒可汗死鬼力亦為可汗○十二月成祖復出北平○駙馬都尉柳毅鎮守淮安○太相高皇帝實錄成○物士奇為吳府審理副仍留翰林○改程本立為江西肅政按察副使
壬建文四年春正月平安復通州不克○靖難兵攻東平吏目鄭華死之○靖難兵攻沛知縣顏伯瑋主簿唐子清典史黃謙死之○祭酒張顛宗為工部右侍郎募兵江西○設京衛武學

○二月諸將兵次濟寧○靖難兵攻徐州○三月靖難兵攻宿
州○成祖至渦河○安及靖難兵戰於淝河敗績○靖難兵攻
蕭知縣鄭恕死之○夏四月安及靖難兵戰於小河斬其將王
真○魏國公徐輝祖率兵會諸將及靖難兵戰於齊眉山敗之
召輝祖還○靖難諸將請還北平○諸將合兵及靖難兵大戰
於靈壁敗績何福走陳暉平安馬溥徐直禮部侍郎陳性善大
理寺丞彭與明皆被執○五月成祖至泗州○盛庸次淮南○
成祖渡淮至盱眙庸走○諸將分屯鳳陽淮安○成祖至揚州
守將崇剛監察御史王彬死之○成祖至儀真○詔天下勤王
○遣刑部侍郎金○禮部侍郎黃觀翰林修撰王叔英徵兵入
援○蘇州知府姚善寧波知府王璉率師勤王○遼東兵潰於
直沽○刑部尚書侯泰轉餉淮安○六月癸丑朔成祖至浦口

廣等逆戰都督僉事陳瑄率舟師降燕○乙卯成祖渡江庸率
所艘出高資港戰敗績○庚申成祖至龍潭遣李景隆茹瑄王
佐議割地罷兵○諸王分守京城諸門○魏國公徐輝祖開國
公常昇分道出師禦戰○甲子遣人齎蠟書四出促勤王兵○
乙丑成祖至金川門谷王德降成祖遂入京城○殺都督徐增
壽○大內火○帝遜位○己巳成祖謁孝陵遂即皇帝位○贈
徐增壽為武陽侯禁錮魏國公徐輝祖○壬申葬建文皇帝○
遷興宗孝康皇帝主於陵仍稱懿文皇太子遷呂太后於懿文
陵○秋七月壬午朔大祀天地於南郊○太赦○降封允熞允
燧允熾為廣澤懷恩敷惠王○都督李增枝節制荆襄瞿塘安
陸兵備○陳瑛為副都御史○工部尚書嚴震直等巡視河北
諸省○八月歷城侯盛庸安戢山東都督劉貞鎮守遼東征虜

前將軍都督何福鎮守陝西都督韓觀練兵江西西平侯沐晟
鎮守雲南○張統暴卒王純致仕蹇義夏原吉為吏戶部尚書
宋禮禮部左侍郎○初建內閣翰林待詔解縉為侍講中書舍
人黃淮編修並直文淵閣○九月大封靖難功臣○詔諭四夷
君長○徙封谷王穗於長沙○廢廣澤王懷恩王為庶人○黃
福為工部尚書○胡廣為侍講楊榮修撰楊士奇編修金幼孜
胡儼檢討並直文淵閣○冬十月寧王權來朝改封南昌○重
修太祖高皇帝實錄○僧道衍為左善世○十一月新作奉天
殿成○解縉為侍讀學士胡靖黃淮胡儼並侍讀楊榮楊士奇
金幼孜並侍講○立妃徐氏為皇后○北平左布政使郭資保
定知府雒僉為戶刑部尚書仍掌司府事○陳瑛請追戮建文
諸臣不許○十二月李至剛為刑部○戒諭靖難 一卷終

皇明大政記第二卷

吾學編第二卷

臣海鹽鄭曉

癸成祖文皇帝永樂元年春正月陳瑛為左都御史○復封周
齊代岷王○以北平為北京○二月設北京行部行後軍都督
府郭資雒僉為行部尚書平安行都督僉事○貽書鬼力赤可
汗○皇子高煦率兵備開平○武定侯郭英卒○三月徙北平
行都司於保定以大寧昇兀良哈○夏四月戶部尚書夏原吉
治水江南○襄城伯李濬鎮守江西○太白出昴北○禁金錢
交易○五月號謚皇考妣太祖聖神文武欽明啓運俊德成功
統天大孝高皇帝孝慈昭憲至仁文德承天順聖高皇后○六
月太祖高皇帝實錄成○秋七月書諭鬼力赤可汗○八月平
江伯陳瑄總督海運○九月求賢才○歷城侯盛庸暴卒○冬

十月靖安侯王忠安集比平○長興侯耿炳文暴卒○金忠為兵部尚書○十一月定武職新舊官襲替法○閏十一月封黎蒼為安南國王李芳遠朝鮮國王○十二月徙富民實北京○甲永樂二年春正月召世子及高煦還京○二月貽書鬼力赤可汗○三月改封敷惠王允熾為甌寧王奉懿文皇太子祀○通政趙居任使日本令十年一貢○夏四月簡東宮官蹇義兼詹事解縉翰林學士兼右春坊大學士黃淮胡廣左右庶子胡儼楊榮左右諭德楊士奇左中允○立世子高某為皇太子封皇子高煦漢王高燧趙王○倭寇浙東○五月○六月封哈密安克帖木兒為忠順王○太子少師姚廣孝賑濟蘇湖○秋七月○八月老撾送安南故王孫陳天平來朝○九月胡儼為國子祭酒○冬十月○十一月錄囚奉天殿○設天津衛○鬼力

赤馬哈木相讐殺遣人貢馬○十二月禁錮李景隆○是年周新為監察御史

配永樂三年春正月免順天永平保定田租二年○二月改黃福為比平行部尚書宋禮工部尚書○三月安克帖木兒卒脫脫嗣封忠順王○保定侯孟善市馬開原○夏四月僉都御史俞士吉使日本封其酋為日本國王○五月戒飭親王○六月黎蒼表請陳天平歸國○賑江東飢民○秋七月段民為戶部右侍郎○八月戶部尚書郁新卒夏原吉還掌部事○九月李至剛落職改鄭賜為禮部尚書呂震為刑部尚書○冬十月駙馬都尉梅殷暴卒○十一月○十二月初左右副將軍黃中呂毅帥師送天平歸國

丙永樂四年春正月考察北京及天下文武官○南陽盜起豐

城侯李彬新城侯張輔討平之○封黎蒼為順化郡公○二月趙王高燧居守北京○三月謁先師視太學○書諭鬼力赤可汗○黎蒼弒其故主天平於芹站○四月求遺書○五月廢齊王搏為庶人尋安置廬州○六月己未朔日食○秋七月征夷大將軍成國公朱能左右副將軍西平侯沐晟新城侯張輔參贊軍務兵部尚書劉儁督理軍餉行部尚書黃福大理卿陳洽率兵分道討黎蒼○朱濬為行部尚書○閏七月建北京宮殿○平江伯陳瑄兼江淮河衛轉運○八月勅秦晉守將宋晟何福吳高練兵防胡○九月設陝西甘肅苑馬寺○冬十月輔兵渡坡壘關晟兵至白鶴江○征夷大將軍總兵官成國公朱能卒於龍川輔為征夷大將軍○陳瑄擊倭於沙門島敗之○十一月○十二月大赦○甌寧王允熾暴卒輔至交州晟追賊至

木九江

刻永樂五年輔晟合兵破賊壽江柵○二月解縉為廣西右叅議○三月輔晟合兵破賊於富良江○夏四月皇長孫出閣就學○五月輔兵追賊出奇羅海口擒黎蒼及其父季犁檻送京師○六月安南平置交趾都布按三司都督呂毅掌都司事尚書黃福兼掌布按司事○徵用交趾人材○秋七月甘肅總兵官西寧侯宋晟卒○乙卯皇后徐氏崩○八月議設海運都漕運使司○九月季犁蒼及其偽將相下獄○冬十月辛巳朔日食○初設屯田按察僉事○十一月胡廣為翰林學士兼左春坊大學士黃淮右春坊大學士楊榮右庶子楊士奇金幼孜左右諭德兼職如故○令內閣儒臣考滿吏部勿改外任○十二月戶科都給事中胡濙訪求異人○是年撒馬兒罕同哈里遣

人送給事中傅安郭驥還

○夏四月己卯朔日食○五月○六月征夷諸將班師還京進封沐晟黔國公張輔英國公封柳升安遠伯○禮部尚書鄭賜卒改呂震禮部尚書都御史劉觀為刑部尚書○楊榮憂去○一月征西將軍寧陽侯陳懋鎮守寧夏○翰林學士王景彰卒○八月交趾簡定反征夷將軍沐晟參贊軍務兵部尚書劉儁帥師討之○詔明年二月巡北京○九月○冬十月乙亥朔日食○十一月淳泥國王麻那惹加那乃來朝卒○勅文武大臣輔導皇長孫○十二月晟兵遇賊於生厥江敗績都督呂毅皆劉儁交趾參政劉昱死之○英國公張輔總兵清遠侯陳副之帥師討簡定○瓦剌攻破鬼力赤阿魯台立本雅失里為可汗

里為可汗

○二月帝發京師皇太子監國○茹瑺下錦衣獄卒○平安暴卒

○三月帝至北京○四月遣給事中郭驥諭本雅失里驥不屈

死之○閏四月方賓為兵部尚書○五月作壽陵於昌平○簡

定稱上皇立陳季擴為越皇帝○封瓦剌兀哈木為順寧王太

平賢義王把秃孛羅安樂王○六月遣御史考察守令○秋七

月征虜大將軍淇國公丘福左右副將軍武城侯王聰同安侯

火真左右參將靖安侯王忠安平侯李遠率師征本雅失里○

楊榮經畫甘肅軍務○八月征虜兵至於臚胸河五將皆敗沒

○輔敗賊於鹹子關○九月輔敗賊於太平海口○甘肅總兵

都督何福撫定亦集乃諸酋封福為寧遠侯○冬十月封陳懋

○

為寧陽侯○十一月輔兵至美良獲簡定檻送京師季擴走○
十二月

諶永樂八年春正月召輔還晟節制諸軍雲陽伯陳旭副之討
季擴○簡定伏誅○二月帝帥師征本雅失里皇長孫留北京
夏原吉兼理行在部院事○胡儼兼侍講掌翰林院事○三月
大閱於鳴鑾戍○永昌韃官叛總兵都督費瓛參贊軍務刑部
尚書劉觀討平之○夏四月○五月帝追虜至幹難河擊敗之
本雅失里遁遂班師○六月阿魯台詐降逆戰敗走帝追擊大
敗之○秋七月帝至北京○八月寧遠侯何福暴卒○長沙妖
賊反豐城侯李彬討平之○九月周王請祀太祖於國中不許
○冬十月帝發北京○贖民鬻子○十一月帝還京○十二月
季擴請降以為交趾右布政使尋復反

解永樂九年春正月征虜副將軍輔及征夷將軍晟會兵討交
趾○二月赦交趾○尚書宋禮都督周長浚會通河○設奴兒
干都司置開原馬市○三月陳瑛有罪下獄死○浚中灤河○
夏四月○五月倭寇浙東○六月楊榮起復○逮交趾參議解
縉下錦衣獄○鄭和襲執錫蘭山國王亞烈若柰兒○周宗範
謝垣伏誅○秋七月輔晟兵敗賊于月常江○八月刑部右侍
郎段民卒○九月○冬十月重修太祖高皇帝實錄○哈密忠
順王脫脫卒封免力帖木兒為忠義王尋卒封孛羅帖木兒為
忠順王○十一月立皇長孫瞻某為皇太孫○輔率舟師敗賊
於海上○十二月○閏十二月令百官條上軍民利病○令薦
舉堪任牧民風憲者○阿魯台納款請併屬女直吐蕃諸部不
許○是年滿刺加國王拜里迷蘇刺來朝

壬永樂十年春正月禁差守令○倭寇浙東○二月勅戒武臣
○三月選庶吉士法司理刑○夏四月○五月○六月○秋七
月赦亞烈若柰兒歸國○八月輔兵破賊於神後海口○九月
瓦刺馬哈木攻破本雅失里之答里巴為可汗○冬十月皇太
孫演武方山○輔兵破賊西心江○十一月楊榮經畧甘肅軍
務老的罕來降○十二月○是年終浙江按察使周新○降安
定王尚炆為庶人安置泗州

癸永樂十一年春正月辛巳朔日合免朝賀○二月帝巡狩北
京皇太孫從行皇太子監國○三月田琛田宗昇伏誅設貴州
布政司工部侍郎蔣廷瓚為左布政使○夏四月○五月○六
月○秋七月封阿魯台為和寧王○八月吏部員外郎陳誠使
西域○九月○冬十月○十一月瓦刺三酋叛○十二月輔晨

會兵敗賊于愛子江擒李擴檻送京師

甲永樂十二年春正月丙子朔日食免朝賀○二月安遠侯柳
升將中軍寧陽侯陳懋襄城伯李隆豐城侯李彬遂安伯陳瑛
成山侯王通保定侯梁瑛都督譚清新寧侯譚忠領左右哨掖
討瓦刺○三月帝發北京皇太孫從行○夏四月五軍出塞○
五月閱武楊林戍○六月丙寅朔日食○前鋒都督劉江破虜
於康哈里○帝至土刺河答里巴及其三酋逆戰大敗之遂班
師阿魯台遣人來朝○秋七月帝駐宣府○八月帝還北京○
陳季擴伏誅○九月令支運轉漕○閏九月逮黃淮楊士奇楊
溥下錦衣獄尋釋士奇○冬十月吳高有罪免為庶人○十一
月甲午朔日食命廣榮幼孜纂修五經四書性理大全○十二月
紀永樂十三年春正月解縉暴卒○二月○三月禮官請賀大

巖山呼萬歲不許○夏四月征夷將軍英國公張輔鎮守交趾
 ○兵部尚書兼詹事金忠卒○五月陳瑄開清江浦罷海運令
 轉運○六月○秋七月誅貪殘守令○八月○九月壽陵成○
 進封武義伯王通為成山侯○五經四書性理大全書成○冬
 十月吏部員外郎陳誠上使西域記○十一月麻祿國進麒麟
 帝不受賀○十二月定收馬法

輅永樂十四年春正月○二月○三月改封趙王於彰德漢王
 於青州○夏四月紀綱伏誅○祠祭郎中周訥請封禪泰山不
 許○胡廣為文淵閣大學士楊榮金幼孜翰林學士○五月壬
 辰朔日食○六月襄城伯李隆守備南京○秋七月遣將練兵
 海上防倭○八月作北京西宮○九月初令御史巡鹽○冬十
 月帝還南京○十一月復議建北京○召張輔還京豐城侯李

彬鎮守交趾○十二月故吳王允燾卒○胡濙為禮部右侍郎
 ○是年監察御史黃宗載巡按交趾

丁永樂十五年春正月○倭寇浙東○二月廢谷王橐為庶人
 ○楊士奇為翰林學士○三月漢王高煦之國樂安○帝巡北
 京皇太子監國○夏四月丁巳朔日食○五月倭寇浙東○山
 東旱蝗○閏五月遣文武大臣分道經理漕運○六月建北京
 郊廟宮殿○秋七月冊皇太孫妃胡氏○馬哈木死封其子脫
 歡為順寧王○八月○九月蘇祿國王巴都葛叭答刺來朝卒
 冬十月癸未朔日食○禮部員外郎呂淵使日本○十一月趙
 犴為兵部尚書巡督塞上屯戍○十二月○是年安惠王卒無
 子國除

戊永樂十六年春正月安南黎利反總兵李彬遣兵討之利敗

走○禮官請賀玄兔不許○二月○三月太子少保姚廣孝卒
○初令民運○夏四月○五月太祖高皇帝實錄成○大學士
胡廣卒○六月纂修天下郡縣志○秋七月日本會源義遣使
朝貢謝罪○八月○九月○冬十月○十一月亦力把力歪思
弒其主納里失只罕而自立○十二月申嚴賊禁

紀永樂十七年春正月○二月○三月蹇義起復○夏四月○
五月○六月遼東總兵都督劉江大破倭奴於望海塢封江為
廣寧伯○秋七月○八月○九月○冬十月○十一月○十二
月令慎選守令

庚永樂十八年春正月楊榮金幼孜並為文淵閣大學士兼翰
林學士○閏正月○二月山東妖婦唐賽兒反安遠侯柳升率
兵討之○三月山東都指揮衛青擊破妖賊唐賽兒遁逮升下

詔獄尋宥之○夏四月廣寧伯劉江卒○五月交趾叅政侯保
馮貴禦賊死之○大索唐賽兒○六月○秋七月○八月丁巳
朔日食○九月己巳北京宮殿成蔡信為工部右侍郎○冬十
月○十一月改京師為南京稱行在所為京師○十二月皇太
子太孫至京師○封薛祿為陽武侯

辛永樂十九年春正月甲子朔帝御奉天殿受朝賀戊寅大赦
○改楊士奇為左春坊大學士○二月虜寇寧夏○三月○夏
四月庚子奉天華蓋謹身三殿災肆赦禁謗訕遣尚書蹇義等
巡行天下安撫軍民監察御史何忠為政平知州○五月李彬
屯田交趾○六月○秋七月段民為山東左叅政○八月辛巳
朔日食○九月○冬十月阿魯台叛數寇邊○赦黎利為清化
知府○十一月議北征逮戶部尚書夏原吉工部尚書吳中繫

掖庭獄○兵部尚書方賓暴卒○十一月李慶為兵部尚書
壬永樂二十年春正月己未朔日食○二月議北征餽餉○三
月阿魯台攻興和殺守將丁丑帝發京師討之○夏四月倭寇
浙東○五月駐獨石大閱○六月虜攻萬全○秋七月阿魯台
北走旋師討兀良哈大破之○工部尚書宋禮卒○八月班師
○九月帝還京逮大學士楊士奇尚書蹇義呂震下錦衣獄尋
釋之○冬十月○十一月○十二月○閏十二月阿魯台弑其
主本雅失里自稱可汗

癸永樂二十一年春正月○二月○三月○夏四月瓦剌脫歡
攻阿魯台敗之○五月常山護衛指揮王瑜告變孟賢伏誅○
六月庚戌朔日食○秋七月安遠侯柳升遂安伯陳瑛將中軍
武安侯鄭亨成國公朱勇英國公張輔成山侯王通將左右軍

寧陽侯陳懋將前鋒從征阿魯台○八月大閱遂發京師○九
月○冬十月虜酋也先土干降封為忠勇王遂班師○十一月
帝還京○十二月○是年李時勉復為翰林侍讀

甲永樂二十二年春正月逮朝覲官下錦衣獄尋釋之○阿魯
台寇大同○二月○三月大閱安遠侯柳升將中軍英國公張
輔成山侯王通武安侯鄭亨陽武侯薛祿將左右軍寧陽侯陳
懋忠勇王金忠將前鋒從征阿魯台○夏四月帝發京師○五
月閩浙盜起尋撫定之○六月帝出塞不見虜遂班師○秋七
月辛卯帝崩於榆木川○八月丁巳皇太子即皇帝位○大赦
○出夏原吉吳中於獄復其官○復設三公三孤○加蹇義少
保楊榮太常卿金幼孜戶部右侍郎楊士奇禮部左侍郎兼華
蓋殿大學士○出黃淮楊溥於獄准為通政使兼武英殿大學

士溥翰林學士○罷通西南海夷○九月謚號大行皇帝太宗
體天弘道高明廣運聖武神功純仁至孝文皇帝仁孝皇后仁
孝慈懿誠明莊獻配天齊聖文皇后○尚書黃福還京兵部尚
書陳洽兼掌交趾布按司事○加蹇義少傅楊士奇少保楊榮
太子少傅兼謹身殿大學士金幼孜太子少保兼武英殿大學
士○襄城伯李隆總兵鎮守山海尋復守備南京○冬十月向
瑤為右都御史兼詹事○令三法司會內閣府部司科於承天
門審錄重囚○選東宮官安遠侯柳升太子少傅成山侯王通
陽武侯薛祿並太子太保禮戶兵部尚書呂震夏原吉李慶太
子少師少傅少保戶部尚書郭資兼太子賓客刑部尚書吳中
二部尚書黃福並兼詹事會祭王英左右春坊大學士黃宗載
詹事府丞○立妃張氏為皇后○立皇太孫瞻某為皇太子○

嚴舉主連坐法○封都督李賢為忠勤伯○十一月宥建文諸
臣家族○交趾黎利反○改楊時習為交趾按察使○遣御史
分巡考察官吏○進蹇義楊士奇夏原吉少師少傅少保左都
御史劉觀太子少保改吳中工部尚書兼太子少保金純刑部
尚書○郭資進太子太師致仕○虜寇雲州陽武侯薛祿擊敗
之○葬長陵○封張昶為彭城伯○征西前將軍武安侯鄭亨
鎮守大同○十二月加楊榮工部尚書○作觀天臺於禁中○
徙封韓恭王於平涼○是年師達為南京戶部尚書兼掌吏部
事

子履準校正

皇明大政記第三卷

吾學編第三卷

臣海鹽鄭曉

仁宗昭皇帝洪熙元年春正月加楊士奇兵部尚書黃淮少
 保戶部尚書金幼孜禮部尚書○楊溥直弘文閣○大祀天地
 於南郊奉太祖成祖配○大赦○布政使周幹按察使胡槩參
 政葉春巡視江東浙西八郡○二月祭酒兼侍講胡儼加太子
 賓客致仕○除誹謗之禁○楊溥為太常卿兼翰林學士○復
 北京行部行後軍都督府○胡濙為太子賓客兼南京國子祭
 酒○三月權謹為文華殿大學士○征夷副將軍榮昌伯方智
 率師討黎利○吳訥為監察御史○徙岷王榘於武岡○夏四
 月南京屢地震○皇太子謁皇陵祖陵孝陵○蠲水旱蝗田租
 ○定文廟侑享功臣○五月修成祖文皇帝實錄○改李時勉

羅汝敬爲監察御史○庚辰帝不豫召皇太子辛巳帝崩於欽安殿○六月辛丑皇太子還至良鄉宮中始發喪○庚戌皇太子即皇帝位○大赦○南京地震○秋七月尊皇后張氏爲皇太后○號謚大行皇帝仁宗敬天體道純誠至德弘文欽武章聖達孝昭皇帝○立妃胡氏爲皇后○行在兵部侍郎戴綸副陳洽贊理軍務○閏七月修仁宗昭皇帝實錄○胡濙爲禮部左侍郎兼太子賓客○八月胡縉爲大理卿及四川叅政葉春巡撫江南浙江○九月葬獻陵○令會試分南北取士○冬十月丙寅朔日食○十一月鎮朔大將軍陽武侯薛祿巡開平宣大○平江伯陳瑄鎮守淮安兼都督漕運○十二月南京地震○震○瓦刺馬哈木立脫脫不花爲可汗

子履準校正

皇明大政記第三卷終

皇明大政記第四卷

吾學編第四卷

臣海鹽鄭曉

丙寅宣宗章皇帝宣德元年春正月金幼孜憂去尋起復○二月○三月陳智方政兵討黎利敗績於茶籠○張瑛爲禮部左侍郎兼華蓋殿大學士直文淵閣○夏四月呂震卒胡濙爲行在禮部尚書○征夷將軍成山侯王通帥師征交趾尚書陳洽仍叅贊軍務安平伯李安掌交趾都司事削陳智方政官爵○五月召薛祿還京○沈度爲行在翰林學士○六月○秋七月北京地震○八月壬戌漢王高煦反辛未帝發北京襄王鄭王居守陽武侯薛祿清平伯吳成將前鋒及五軍列侯諸將從討之辛巳帝至樂安壬午擒高煦乙酉班師○九月帝還北京○遣駙馬廣平侯素容左都御史劉觀諭趙王高燧○繫高煦於道

遙城王斌朱恒伏誅○冬十月復以李時勉為行在翰林侍讀
○十一月通擊交趾賊敗績尚書陳洽死之○十二月征虜副
將軍安遠侯柳升左副總兵保定伯梁銘征南將軍黔國公沐
晟左右副總兵興安伯徐亨新寧伯譚忠率師分道討黎利兵
部尚書李慶參贊軍務工部尚書兼詹事黃福仍掌交趾布按
司事○張本為兵部尚書○是年以太和山佃戶陳祚為監察
御史○于謙為監察御史

打宣德二年春正月○二月趙王高燧上書謝罪○行在戶部
左侍郎陳山為尚書兼謹身殿大學士直文淵閣○進張瑛禮
部尚書○黎利攻交趾城王通擊敗之○南京地屢震○王驥
為兵部侍郎○三月改轉運為支運○大理卿虞謙卒○夏四
月廢晉王濟熿為庶人安置鳳陽○通許利和貢方物請立陳

氏後○五月鎮朔大將軍陽武侯薛祿護餉開平○簡用罷黜
庶官○六月寧陽侯陳懋復鎮守寧夏○秋七月利陷隘留關
速鎮遠侯顧興祖下獄征蠻將軍都督山雲鎮守廣西○八月
大學士黃淮致仕○九月升至隘留關遇賊死梁銘李震卒崔
聚兵潰○冬十月通與利盟退師○復李時勉翰林侍讀○十
一月行在禮工部左右侍郎李琦羅汝敬諭安南立陳暲為王
諸將班師○皇長子生大赦○十二月張善伏誅○是年南京
戶部尚書兼掌吏部事師達卒○差科道官清軍

帳宣德三年春正月書諭阿魯台○二月立皇長子瞻基為皇
太子大赦○通兵退次南寧○改民為南京戶部侍郎尋改南
京刑部○三月皇后胡氏遜居別宮立貴妃孫氏為皇后○夏
四月黃福為行在工部尚書○廣西總兵山雲討平蠻寇○魏

驥為試行在吏部侍郎○閏四月王通梁瑛陳智李安方政戈
謙山壽馬騏下詔獄籍其家蔡福伏誅襄贈安南死事文武諸
臣○五月琦汝敬還利表陳嵩卒乞守國俟命○汝敬復諭利
訪陳氏後○六月行在工部尚書吳中下獄尋釋之○刑部尚
書金純致仕○秋七月顧佐為行在右都御史○八月皇子祁
鈕生○革北京行部行後軍都督府○丁未帝東巡英國公張
輔陽武侯薛祿帥師以從○九月帝出喜峯口擊兀良哈大破
之遂班師○癸酉帝還京○冬十月陽武侯薛祿遂安伯陳瑛
武進伯朱冕鎮守薊州永平山海○蹇義夏原吉輟部事○十
一月城獨石遂棄開平○十二月福建樓瀛反伏誅○是年勅
南京刑部侍郎段民考察京官
配宣德四年春正月兩京地震○二月羅汝敬還利貢方物○

三月遣李琦諭利○夏四月郭瑄為吏部尚書○工部尚書黃
福平江伯陳瑄經略漕運○寧王權上書謝罪○五月初設鈔
關○寧王權請灌城田不許○六月郭資掌行在戶部事○列
侯諸將轉餉開平○秋七月幸文淵閣○行在戶部上戶口登
耗之數○劉觀有罪徙遼東○八月楊溥憂去尋起復直弘文
閣○九月山雲討平柳潯賊○冬十月庚辰幸文淵閣戊子幸
文淵閣○改張瑛為南京禮部尚書陳山專授小內使書○甲
午帝閱武近郊戊戌還京○十一月磔賊清於市○列侯諸將
帥師巡宣府○十二月

煥宣德五年春正月兩朝實錄成○少保戶部尚書夏原吉卒
○二月鎮朔大將軍陽武侯薛祿副總兵恭順侯吳克中左右
叅將武進伯朱冕奉化伯滕定帥師巡邊○己未帝謁長陵獻

陵○三月己酉帝還京○黎利篡陳高而自立琦還利表請封
○熊檠為南京右都御史葉春行在刑部右侍郎改江南民運
為允運○夏四月加楊榮少傅○尚書黃福總理淮北河南山
東屯田○五月况鍾何文淵為蘇州温州知府○令追奪贓官
誥勅○六月南京副都御史吳訥致仕○置萬全都指揮司○
秋七月太保陽武侯薛祿卒○禮官請賀龍駒瑞麥嘉禾皆不
許○八月己巳朔日食○九月初設巡撫于謙周忱為行在兵
工部右侍郎謙巡撫河南山西忱巡撫江南直隸○嚴暉伏誅
○乙卯帝巡近郊己未還京○十月丙子帝巡近郊戊寅度居
庸關己卯獵岔道壬辰還京○丙申夜蓬星見○十一月山雲
討平慶遠蠻○十二月浙江巡撫侍郎成均築捍海隄○閏十
二月

宣德六年春正月張本卒○二月巡按江西御史陳祚下錦
衣獄○趙儼伏誅○三月○夏四月有星孛於東井○五月深
陽妖人伏誅○四川總兵陳懷移鎮松潘○六月遣行在禮部
右侍郎章敞諭黎利權署安南國事○秋七月帝幸楊士奇第
○八月○九月熒惑犯南斗○冬十月丙午帝巡近郊庚戌還
京○十一月唐受伏誅○十二月袁琦伏誅○太學士金幼孜

宣德七年春正月朔日食○少詹事兼翰林學士曾察卒○
二月行在工部右侍郎羅汝敬總督陝西屯餉河渠事○三月
○夏四月募商輸粟塞下○五月○六月○秋七月○八月行
在戶部尚書黃福掌南京戶部事○令在京三品上官舉有才
行文學者○九月山雲為都督同知仍鎮守廣西○冬十月○

十一月○十二月修祖陵孝陵

睽宣德八年春正月○二月○三月賜曹鶴等進士及第出身有差○山東旱饑○夏四月○五月四川盜起副都御史賈諒討平之○六月平蠻將軍都督方政副總兵蔣貴鎮守松潘○秋七月初置武驤騰驤四衛○八月熒惑犯南斗○黃福兼掌南京兵部事○閏八月彗出天倉○九月○冬十月平江伯陳瑄卒○十一月左副總兵右軍都督僉事王瑜督理漕運鎮守淮安○十二月郭資卒○修南京宮殿○是年日本國王源道義卒遣使弔祭

鯽宣德九年春正月○二月妖僧李臯謀反伏誅○南京刑部右侍郎段民卒○三月戊寅百官朝皇太子於文華殿○王驥為行在兵部尚書○夏四月琦還黎利死利子麟遣人告喪○

五月使祭黎利○六月震大祀壇門○秋七月○八月楊溥為

禮部尚書仍兼學士○瓦剌脫歡攻殺阿魯台其子阿卜只俺來歸以為中府左都督○僉都御史凌晏如卒○九月張瑛仍直文淵閣

○癸未帝巡遊乙酉度居庸關丙戌獵岔道辛

卯駐宣府己亥大獵○冬十月丙午帝還京○侍郎章敞諭黎麟權署安南國事○陳敬宗為南京國子祭酒○翰林學士沈度卒○十一月○十二月甲子帝不豫衛王瞻埏攝享太廟

胤宣德十年春正月癸酉朔帝不豫百官朝皇太子於文華殿

○甲戌帝崩於乾清宮壬午皇太子即皇帝位○少師吏部尚

書蹇義卒○號謚大行皇帝憲天體道英明神聖欽文昭武寬

仁純孝章皇帝○尊皇太后張氏為太皇太后皇后孫氏為皇

太后○封皇弟祁鈺為郟王○釋御史陳祚囚復其官○楊溥

仍直文淵閣○二月○三月○夏四月○五月王驥為行在兵部尚書○六月葬景陵○加黃福少保叅贊機務○秋七月○八月平羌將軍寧陽侯陳懋鎮守甘肅○九月修宣宗章皇帝實錄○虜阿台朶兒只伯寇甘涼○陳鑑為右副都御史鎮守陝西兼督延寧邊備○徐晞為行在兵部右侍郎巡撫甘肅○太監王振掌司禮監事○黃宗載為南京吏部尚書○冬十月羅亨信為僉都御史練兵平涼○十一月○十二月

子履淮校正

皇明大政記第四卷終

仍直文淵閣○二月○三月○夏四月○五月王驥為行在兵部尚書○六月葬景陵○加黃福少保參贊機務○秋七月○八月平羌將軍寧陽侯陳懋鎮守甘肅○九月修宣宗章皇帝實錄○虜阿台朶兒只伯寇甘涼○陳鑑為右副都御史鎮守陝西兼督延寧邊備○徐晞為行在兵部右侍郎巡撫甘肅○太監王振掌司禮監事○黃宗載為南京吏部尚書○冬十月羅亨信為僉都御史練兵平涼○十一月○十二月

子履淮校正

皇明大政記第四卷終

西
6329

